



客家語現代詩 社會組第二名

魚躍（四縣腔）

河壩肚
幾多生物
泗等
囚等

汶汶个水做得洗脚洗帽仔
你嘎在河壩肚浴身

不時對水底躍出
赴毋掣瞞一下目
水面短短个停留

恁闊个河壩敢無罇你歇
天頂敢係你个夢想

生做一尾魚
做麼个無愛在河壩肚落食
食比你較細个東西
又正來分比你大个東西食忒
這係自然个道理

做麼个你偏偏愛飄出水面

恁等古老个生物

大約從細細个變到大嬬隻

從毋會爬變到會飛

原來你有恁樣个志向

企在河脣个人還單淨想用河壩水洗腳

你在水面短短个停留

有一種講毋出个感動

該央時

作者感言



黃玉琴 公家機關

感謝各位評審个肯定，你這兜个鼓勵係俚繼續用客話創作个動力。聽著得獎，心肚有兜仔激動。

「寧賣祖公田，不忘祖公言」，這係客家人長透掛在嘴脣皮个話，毋過，跔等時代个變化，網路个發達，當多做阿爸阿姆个人緊希望自家个細人跔欸著時代，煞猛喊細人仔讀英文、補習，故所所有个時間拿去讀書，平常時講無兩句話，變成這下个後生人全毋會講客話欸，連做爺哀个人自家也摻客話毋記得差毋多欸。

俚一降出來就戴在臺北，還細時節全毋曉得講客話。有一擺跔阿姆轉去大湖阿公个屋下，阿公看俚憨面憨面，聽無識佢這兜大人在

講麼个，就罵吾姆：「客家人个子孫，仰毋會講客話？」後來，吾姆正遽遽教佢講客話。雖然這下佢會講客家話，但是當多純正、老古稽个用字還係毋恁曉得，識著當打爽，佢有一首詩表達心肝肚个遺憾。

< 狗問花 >

紅紅个安做大紅花
黃黃个安做日頭花
你問佢這係麼个花
實在應毋出

偲兩儕無相像
佢个祖先為著生活
頭犁犁仔煞猛耕田打林
做毋得換錢救命个花花草草
哪有恁閒去認識佢

故所

你問佢這係麼个花
實在講毋出名仔
又無想詐毋知
分人看毋起
佢只好回答你

這係狗問花